

書

漢書地理志補注卷二十四

常山郡

常熟 吳卓信 編纂

史記張儀傳說楚王曰秦席捲常山之險必折天下之脊
 索隱曰常山於天下在北有若人之脊也 張晏曰恒山
 在西避文帝諱故改曰常山 廣韻春秋時鮮虞國地漢
 為恒山郡因山以為名也 寰宇通志恒山郡城在真定
 府城南漢陽郡後魏道武嘗登此望安樂壘 方輿紀要
 一一一今真定府西南以至趙州之境是其地 按漢一
 一一今直隸正定府之井陘獲鹿元氏靈壽欒城平山行
 唐藁城入縣順德府之內邱縣趙州之柏鄉高邑二縣定

州之曲陽縣皆其地

高帝置

本書高帝紀三年冬十月韓信張耳東下并陘擊趙斬陳
 餘獲趙王歇置常山代郡 方輿紀要——本趙國地
 呂后二年分置恒山國文帝初復為趙地景帝中三年置
 常山國元鼎四年為郡 地理志稽疑常山故屬秦邯鄲
 郡楚漢之際屬趙國尋為常山國復屬趙國高帝三年屬
 漢為郡四年復以屬趙國高后二年復為常山國武帝元
 鼎三年復故 漢書考異按項羽封張耳為常山王都襄
 國是常山之名不始於高帝蓋趙歇既滅遂因為郡耳高
 帝紀稱常山二十五城志止十八縣蓋後止稍分析之襄

國本王都所在而志隸趙國亦一證也

莽曰并關屬冀州縣十八

元氏石邑桑中靈壽蒲吾上曲陽九門并陘房子中邱封
 斯關平棘鄗樂陽平臺都鄉南行唐

元氏

史記趙世家孝成王十一年城——十三州志趙公子

元之封邑故曰——元和志今趙州——縣本漢舊縣

故城在今縣西北十五里兩漢常山太守皆理於此 容

齋隨筆應劭謂元城以魏公子元得名闕駟謂——以趙

公子元得名——說並可疑 大清一統志——故城在今

正定府——縣西北

泚水

舊作沮水誤

首受中邱

屬本郡

西山窮泉谷東至堂陽

屬鉅鹿郡

入黃河

說文泚水在常山从水氏聲 本書張耳陳餘傳注蘇林

曰泚音祇晉灼曰問其鄉人音祇師古曰二說皆是也蘇

音祇敬之祇音執夷反古音如是晉音根抵之抵音丁計

反今其土俗呼水則然 廣韻泚水名在常山陳餘死處

也 元和志泚水俗亦名脂溝在贊皇縣西南三十五里

卽韓信斬陳餘處 大清一統志槐河源出贊皇縣西東

北流入順德府境逕一一縣南又東流入高邑縣界卽古

泚水訛爲沮水者也此爲北泚水又有南泚水自趙州臨

城縣流入順德府境東逕內邱唐山二縣北又東經隆平

縣至任縣東北入大陸澤卽山海經臨城敦輿山之水也

後人混爲一水誤矣 皇朝通志槐河郡古泚水亦名沮

水源出贊皇縣西南東經一一縣南高邑縣北欒城縣南

趙州南柏鄉縣北又東南經寧晉縣南入泊一水道提綱

槐河源出贊皇縣西南山中合諸水東流出山經縣城北

又東經一一縣南高邑縣北欒城縣南趙州南柏鄉縣北

又東南經寧晉縣城南東南入泊 地理志稽疑漢志常
 山郡——縣下云沮水首受中邱西山窮泉谷而水經注
 無聞及讀郭氏山經注云泚水今出常山中邱縣窮泉谷
 乃悟泚水之誤為沮水也 新校地理志今泚水出內邱
 縣西山逕唐山南和二縣境北入胡蘆河與下洩石濟二
 水所并之泚水異 按入黃河當依山海經作入濁漳蓋
 濁漳經堂陽而河水不經堂陽也

莽曰井關亭

石邑

韓非子董闕于為趙上地守行——山中深澗峭如墻深
 百仞喟然太息曰吾能治矣 史記趙世家武靈二十一

年攻中山取——又廉頗傳秦伐趙拔石城索隱曰卽

——又陳餘傳趙王武臣使李良畧太原至——通

典今鎮州——縣本漢舊縣故城在今縣西北 括地志

——故城在恒州鹿泉縣南三十五里六國時舊邑也

元和志今鎮州石邑縣本戰國中山邑也漢因置縣又獲

鹿縣亦漢——縣地 寰宇記——故城在鎮州——縣

西北俗謂之人文城 九域志真定府獲鹿縣東南有——

——鎮 大清一統志——故城在今正定府獲鹿縣東南

按續志無——縣而三國魏志建安二十五年——縣

言鳳皇見蓋中興省并而漢末復立也

詳井陘縣下

淩水所出東南至慶陶

屬鉅鹿郡

入泚

說文淩水出常山——井陘東南入於泚从水交聲 師
古曰淩音效又音爻 方輿紀要淩河自正定府平山縣
甘陶河分流東南入灤城縣境合元氏縣之沙河又東南
經趙州南下流注於葫蘆河 大清一統志淩河源出正
定府獲鹿縣東南流逕欒城縣西又南入趙州界東經寧
晉縣南合葫蘆河舊志云淩水上源有四泉四水交流故
名淩水下流至寧晉縣入大鹿澤 水道提綱淩水源出

獲鹿縣西南蓮花山曰白鹿泉東流爲西河經欒城北趙
州南下流入葫蘆河 七校水經注斯淩水與淩水不可
溷也漢志斯淩水一見於常山郡——縣今世水經非足本濁漳
縣蔓縣淩水見於常山郡——縣今世水經非足本濁漳
清漳二篇脫失尤甚斯淩水之附於篇中尙幸詳悉而淩
水則無之猶幸寰宇記所引舊本酈注足以存其一綫考
斯淩水與淩水並行于常山鉅鹿之間首尾亦時貫輸而
實各自爲水古今注云永平十年作常山呼沱河用太白
渠水以通漕亦謂之蒲吾渠此用斯淩水者也通鑑表編
咸平五年河北漕臣景望開鎮州常山南河入淩水至趙
州以利漕此用淩水者也

桑中

水經注桃水又東南逕——故城北世謂之石勒城蓋趙氏增城之故擅其目又謂之高功城 一統志——故城在今鎮定府平山縣東南

侯國

王子侯表——載侯廣漢宣帝地節三年以趙項王子封

靈壽

史記樂毅傳其先祖曰樂羊為魏文侯將伐取中山文侯封樂羊以——死葬於此子孫因家焉 後書邳彤傳注

——故城在今恒州——縣西北 元和志今恒州——

縣本中山國都也按中山武公本周同姓其後武公不恤

國政魏將樂羊拔之封之——漢於此置——縣 寰宇

記舊——縣城在今縣西北晉移於此今廢縣尚存 九

域志真定府行唐縣有——鎮 地理通釋荀子強國篇

云其在趙者有剡然有苓而據松柏之塞楊倞注苓地名

未詳所在或曰苓與靈同地理志常山郡有——縣清河

郡有靈縣皆趙地也松柏之塞蓋趙樹松柏與秦為界

一統志——故城在今正定府——縣西北縣志云在縣

西北十里地名——村

中山桓公居此

史記趙世家獻侯十年中山武公初立 史記音義西周

桓公之子桓公孝者王弟而定王子 史記索隱中山古

鮮虞國姬姓也系本云中山武公居顧桓公徙一一爲趙
武靈王所滅不言誰之子孫徐廣以爲西周桓公之子亦
無所據

禹貢衛水出東北東入虜池

通典衛水在今西山東北入滹沱河 皇朝通志衛河源
出山西潞安府南經澤州東南入河南懷慶府北入於沁
水其分一支經温縣北武涉縣北修武縣東南又東北經
嘉縣北有五峪水自山西陵川縣東南入河南輝縣西來
會又東北有百泉水來會又經新鄉縣北衛輝西南至淇
縣東南有洪水來會東流經滑縣西南濬縣又經湯陰縣
東有湯河來會又東北經安陽東南內黃縣北入大名縣

南南樂縣北又經元城縣東北境入山東冠縣西界有漳
河支流來會又經館陶縣臨清州入運河北至天津會白
河諸水入海 提綱衛河出大同北邊城外南流入經得
勝堡東又南經府城東又東南會武州川也衛河一名如
渾水亦名御河源在徼外太僕右翼牧地西北山 大清
一統志衛河在今一一縣東縣志云在縣東十里俗名雷
溝河源出縣東北十四里良同村南流至縣東南合滹沱
河 禹貢錐指或問恒漚滹沱漢志明列爲四水子謂恒
卽漚衛卽滹沱亦有所據乎曰有之水經注云漚水東過
上曲陽縣北恒水從西南來注之自下漚水兼納恒川之
通稱卽禹貢所謂恒衛旣從也此非恒卽漚之明證耶水

經無滹沱之目見濁漳易滹巨馬諸篇中僅一二語故衛水無考然酈注凡二水合流言自下互受通稱者不可枚舉則滹沱受衛之後亦得通稱衛水可知也不然恒水出曲陽縣西北至縣東北入滹衛水出——縣東北至縣東南入滹其所歷不過數十里之地會謂尋常之溪澗而勤禹功之荒度乎哉雖至愚者亦知其無是理矣 又云周禮職方并州其川虜池嘔夷虜池卽今之滹沱河嘔夷卽後世所謂滹水也此卽禹貢之恒衛二水也然禹主名山川曲陽以下之滹本名恒——以下之滹沱本名衛其出高是秦戲者則恒衛之別源也自周以虜池嘔夷爲并州之川其名著而恒衛之名遂隱於是冀州二大川以恒陽

溪雷溝河數十里之原委當之蔡氏因曰恒衛爲小水而經義幾不可通矣 又云漢志云滹水東至文安入大河滹沱東至參戶合滹沱別從河東至文安入海是恒衛二水皆於文安入河也據水經注易水逕容城縣南又東合滹水自下互受通稱又東至文安縣與滹沱合又東至泉州縣南東入於海此卽合漳御二河由口河至獨流口入海之道也自塘樂興而文安大成諸水趨入白河其行口河者惟漳御二河耳古時滹易滹沱混而爲一自文安會大河入海西漢時猶然而程泰之謂滹易中高不與河通耶惟二水皆入河故禹必先道九河而後治衛從河以入海不然海口壅塞雖欲治二水不可得也 按胡東樵謂

恒水卽滹沱水衛水卽滹沱水古今異名其說甚確蓋言恒
衛而燕趙諸水無弗該矣王西莊極駁其說妄也

蒲吾

史記六國年表作鄱吾索隱曰鄱音婆又音盤 又趙世家
番吾君自代來徐廣曰番音盤常山有番吾縣 又蘇
秦傳說趙肅王曰秦甲渡河踰漳據番吾則兵必戰於邯
鄲之下矣 又李牧傳秦攻番吾牧擊破之 劉昭注補
史記番吾君杜預云晉之蒲邑也 括地志番吾故城在
恒州房山縣東二十里番蒲古今字異耳 後書耿純傳
注一一城在今恒州靈壽縣南 元和志今鎮州房山縣
本漢一一縣地故城在今縣東二十里 一統志一一故

城在今正定府平山縣東南
有鐵山

方輿紀要鐵山在今趙州臨城縣西南二十五里石邑如
鐵元末土人結寨於此號鐵山寨 一統志今正定府平
山縣西北有房山舊志云卽漢志一一縣鐵山也亦曰西
山

太白渠首受縣曼水東南至下曲陽
屬鉅鹿郡

入斯汶

水經注綿蔓水上承桃水東北流逕一一縣故城西又東
南流合井陘山水又屈從城南東逕烏子堰枝津出焉又

東謂之太白渠地理志所謂首受綿蔓水者也 又云白渠水又東謂之斯浚水地理志曰太白渠東南至下曲陽入斯浚河者也 史記正義綿蠻水一名阜將一名回星自并州流入并陘界卽韓信背水陣陷之死地卽此水也 九域志綿蔓水圖經云韓信背水爲陣卽此水也 名勝志綿蔓水卽穆天子傳所云西河也源出陘山上後漢光武封郭况爲縣蔓侯以此水名也 方輿紀要綿蔓水源出山西平定州卽甘洵河之支流也東流入真定府并陘縣界經城南至縣東二十里決口橋入於甘洵河一名阜漿水又名回星水孔穎達謂韓信出背水陣蓋在此水上 大清一統志按古太白渠下流分二道經今藁城晉

州之南又東入束鹿界據水經注白渠枝水所行之處今皆湮沒無考卽今滹沱河所經也

上曲陽

史記趙世家武靈王二十一年攻中山合軍曲陽 又灌嬰傳從擊陳豨于上曲陽 水經注——縣本岳牧朝宿之邑縣在山曲之陽是日曲陽有下故此爲上矣 括地志——故城在今定州曲陽縣西 元和志今定州恒陽縣本漢——縣高齊天保七年始除上字 隋志博陵郡恒陽日舊日上曲陽後齊去上字開皇六年改爲石邑七年改爲恒陽 寰宇通志曲陽縣在真定府定州城西南六十里漢置——縣取太行之陽轉曲處爲名

大清一統志 故城在今定州曲陽縣西舊志云
在縣西四里

恒山

舜典歲十有二月朔巡狩至於北岳 禹貢太行恒山至
於碣石入于海 爾雅釋山河北恒郭注北岳恒山 又
恒山爲北嶽郭注常山也 管子恒山北臨代南俯趙東
接河海之間早生而晚殺五穀之所蕃熟四種獲焉 史
記趙世家無卹曰從常山上臨代代可取也 又楚世定
張儀說楚曰秦地半天下席捲常山之險必折天下之脊
白虎通北方爲常山者河陰終陽始其道常久故曰常
山 晉書地道記常山在上曲陽縣西北一百四十里

括地志恒山在今定州恒陽縣西北 元和志恒山漢以
避文帝諱改曰常山至周武平齊復曰恒山 北岳記恒
山頂一名無卹臺以趙襄子嘗登此以觀代國下瞰東海
也 道書福地記恒山高三千九百丈上方三十里周回
三千里 寰宇記北岳恒山在今定州曲陽縣西北四十
里 名山記恒山在大同府渾源州南二十里卽北嶽也
水經謂之乎岳 禹貢錐指隋改曲陽曰恒陽故其志云
恒陽縣有恒山又滋陽縣有大茂山韓琦岳廟碑云恒山
一名大茂山也在今阜平縣東北七十里接曲陽界乃恒
山之脊俗名神尖石晉與契丹分界處今阜平曲陽唐縣
皆緣大茂之麓 大清一統志恒山在今定州曲陽縣西

北亦曰常山亦曰北嶽亘直隸保定府西境山西大同府東境

北谷在西北

史記孝文紀後六年冬以中大夫令免爲車騎將軍軍飛狐臣瓚曰飛狐在代郡西南 晉書地道記自一一縣

北行四百二十五里得常山峽號飛狐口 太康三年地

記常山曲陽有恒山峽飛狐口 魏土地記代城南四十

里有飛狐關 水經注祁夷水又東北得飛狐口 後書

王霸傳注飛狐道在今蔚州飛狐縣北通媯州懷戎縣卽

古之飛狐口 史記正義蔚州飛狐縣北一百五十里有

秦漢古郡城西南有山俗號飛狐口 常山圖經山北四

百餘里號飛狐口 大清一統志飛狐口在今易州廣昌

縣北其地兩崖峭立一線微通迤邐蜿蜒百有餘里 按

恒山北谷卽飛狐口地道記云自縣北行四百二十五里

得常山峽號飛狐口則飛狐口卽代郡之常山關與一一

縣相接者也

有祠

本書郊祀志宣帝神爵元年定制祀北嶽常山於一一

元和志恒嶽觀在恒陽縣南百餘步又有恒嶽下廟在

縣西四十步 夢溪筆談北嶽祠舊在山下石晉之後稍

遷近裏今其地謂之神棚祠之北有望嶽亭新晴氣清則

望見大茂山山在阜平縣東北一名神尖石晉與契丹分

界處卽恒山之支麓也 大清一統志按恒山漢志以爲在上曲陽歷代諸志皆因之尙書周禮注疏亦云自漢宣帝神爵元年祀北岳恒山於曲陽唐宋祀典皆在定州至宋始有恒山沒于遼從曲陽縣望祀之說明人乃定山渾源州之元岳爲恒山宏治六年尙書馬文升清釐正祀典乃修治渾源州舊廟而秩祀尙在曲陽

本朝順治十七年准科臣粘本盛奏始改岳祭於渾源有并州山

夏官職方并州山鎮曰恒山鄭注恒山在——
禹貢恒水所出東入滹

禹貢恒衛旣從 水經注滹水又東南逕中山——縣

北恒水從西來注之自下恒滹通稱焉卽禹貢所謂恒衛旣從也 禹貢雖指據水經注恒水卽滹水也曲陽隋爲

恒陽縣地理志有恒陽溪卽恒水源也縣志云滹水在縣

東北 尙書地理今釋恒水一名長溪源出恒山自直隸

正定府阜平縣龍泉關北迤邐流經大派山爲大派水亦

曰沙水又東南至保定府祁州界合滋河入於唐水唐水

卽滹水也 大清一統志恒水在今定州曲陽縣西禹貢

恒衛旣從舊志有橫河在縣北源出恒山東南流入滹卽

恒水恒衡聲近而訛也 皇朝通志沙河卽古恒水亦名

派河源出山西繁峙縣東入長城經阜平縣東南曲陽縣

西南又南經行唐縣東北新樂縣南又東經定州南無極

縣北深澤縣北又東至祁州東南會滋河入於唐河

莽曰常山亭

九門

史記趙世家武靈王十七年王出九門為野臺以望齊中
 山之境徐廣曰一一在常山 又惠文王二十八年藺相
 如城一一 水經注衡漳故瀆東南逕一一城南 又云
 長蘆水又東逕九門陂故縣也 元和志今恒州一一縣
 本戰國時趙邑漢於此置九門縣 河朔訪古記藁城縣
 西北三十里荒城一區蓋戰國時趙邑本有九室居之武
 靈王改曰一一漢為縣今為一一鎮野臺在城側俗呼為
 寒臺 大清一統志一一故城在今正定府藁城縣西北

縣志云在縣西北二十五里

莽曰久門

井陘

穆天子傳天子至於鈞山之下郭璞注鈞音邢鈞山今在
 常山石邑縣 史記始皇本紀十八年王翦將上地下一
 一 又淮陰侯傳建大將旗鼓出井陘口與張耳馳入趙
 壁拔趙幟樹漢赤幟大破趙軍 又廣武君李左車曰一
 一之道車不得方軌騎不得成列 服虔曰一一山名在
 常山今為縣因山為縣也 應劭曰一一山在縣南故縣
 氏馬陘音刑 述征記燕趙間凡山脊名之陘 水經注
 一一水世謂之鹿泉水東北流屈逕陳餘壘又東注縣蔓

水即泝水也韓信斬陳餘於此 史記正義——山在——
 縣東南十八里 元和志陘山在——縣東南八十里
 四面高乎中央下似井故名之——口今名土門口在獲
 鹿縣西南十里有——關一名土門即太行入陘之第五
 陘也 唐書地理鎮州獲鹿縣有故——關一名土門關
 集韻邢陘趙魏地山險名 方輿紀要——關在直隸
 真定府獲鹿縣西十里山西平定州東九十里道出——
 之要口也——水在獲麟縣西南自——縣境流入下流
 注於滹沱 一統志——故城在今正定府——縣北自
 漢至唐皆治此宋熙寧六年改置於天威軍而故城廢——
 山在——縣東北關在山上與獲鹿縣接界亦曰土門

關即吕氏春秋九塞之一也

房子

穆天子傳天子東至於房郭璞注——屬趙國 史記趙
 世家敬侯十年與中山戰於——又武靈王十九年北
 畧中山之地至于——又惠文王二十四年廉頗攻魏
 房子拔之因城而還 元和志今趙州臨城縣本戰國時
 趙 一邑也漢以為縣故城在今高邑縣西南縣志云俗
 呼其地曰倉房村又臨城縣亦——縣地 按後書光武
 紀作防子注云防與房同古字通用

贊皇山

穆天子傳癸丑至——登贊皇山郭注——縣有嶺山

續志補注贊皇山在——縣西南六十里 元和志贊皇山在今趙州贊皇縣東南二十六里隋因以名縣 一統志贊皇山在今贊皇縣西南舊志云在縣西南二十餘里高百餘丈

石濟水所出東至慶陶

屬鉅鹿

入泚

說文濟水出常山——贊皇山東入泚从水齊聲 元和志今趙州贊皇縣濟水源出贊皇山西北流去縣南十里此別一濟水應劭以爲四瀆誤也 說文繫傳——縣贊皇山石濟水所出此非四瀆之濟四瀆之濟古皆作泚今

人多亂之又云泚水今多作濟故與常山石濟水相亂

寰宇記隋圖經云贊皇山濟水去縣十里此自別是一濟所謂石濟水也卽詩云出宿于濟非四瀆也 地理通釋

濟兗州之川職方及漢志說文並作泚今禹貢从水从齊乃字之誤當以古文爲正濟水出常山郡房子縣贊皇山別是一水名音同實異 方輿紀要石濟水在今趙州高邑縣治南一名沙河又名白溝水亦謂之漕河源出贊皇縣贊皇山經臨城縣又東流入縣境至縣東南而合於黑水或譌泚水 一統志石濟水在今正定府贊皇縣南

流經趙州高邑縣界南二里又東經柏鄉縣北合槐河一名白溝水今名沙河舊志云在縣西南六十里源出本縣

大石門寰宇記謂卽槐水誤 提綱石濟水出贊皇縣西南贊皇山亦曰沙水或疑謂卽今之魏河但其水東經贊皇高邑之南不在北也 全祖望曰說文四瀆之沛亦聲常山贊皇之濟齊聲絕不相混漢志所引禹貢職方古文皆沛也惟贊皇之濟則別焉自應仲遠誤合之然酈善長卽已非之而徐堅徐鍇王應麟陳大猷諸人又皆辨之雖沿譌莫能改正要之混沛而爲濟未聞有以濟爲沛者蓋贊皇之濟在漢志名石濟續志始脫去石字但稱濟水寰宇記遂從而甚之反以濟爲沛而引衛詩以證之夫衛封城中有沛水無濟水衛女不得出宿于贊皇慶陶之間也諒矣而顧宛溪亦仍其謬何也 趙一清曰按地志河東

郡垣縣王屋山在東北沅水所出其前載禹導沅水文俱作沛字又常山郡——縣贊皇山石濟水所出說文云沛沅也東入海又云濟水出常山——贊皇山東入泝後人學有師承孟堅地志叔重說文尤精覈謹嚴千古取證應仲瑗始誤以常山之濟爲四瀆之沛酈元非之是矣而猶云二濟同名未免騎牆之見矣澄書纂言乃云導水章所敘翼州之濟兗州之沛實一水濟沛二字通用說文因二字而以北濟南濟爲二水非也今說文具在何嘗有南濟北濟之分且全不考水道之源委果於自信輕毀古義厚誣前哲徐堅初學記云二濟既南北異岸相去亦踰千里渠雖習尙詞章尙能別白不似學廬解經反致淆亂也

按此濟字應作濟沅州之水古作沛今經史皆溷之濟水本名石濟水又名沙河水今趙州贊皇縣流經高邑縣南二里又東經柏鄉北今槐河據本志汶水石濟水俱至慶陶入泚而水經注泚汶濟三水俱缺惟有百尺溝南入泚湖注衡水參考道里今寧晉縣東南寧晉泊俗稱胡盧河者當即古泚湖也

莽曰多子

中邱

十三州志縣西北有蓬山邱在其間故曰一一後漢屬趙國後書趙孝王傳注一一縣故城在今邢州內邱縣西隋室諱忠故改為內焉元和志今邢州內邱青二縣

並漢一一縣地

一統志一一故城在今順德府內邱縣

西

蓬山長谷

水經注一一有蓬鵲之山昔扁鵲同號太子遊此採藥因以名之元和志鵲山在內邱縣西六十三里寰宇記內邱有蓬鵲山亦名龍騰山即地理志蓬山也一統志鵲山在今內邱縣西即古蓬山也縣志云上有白石形如鵲故名

諸水所出東至張邑

屬廣平

入濁

諸當作渚邑字衍濁當作澗 說文渚水出常山一一逢
 山東入澗从水者聲爾雅小州曰渚 寰宇記礪水一名
 渚水在內邱縣西北十三里源出攬山其水可礪刀劍下
 流入沙溝水 九域志內邱縣有渚水 集韻作瀘云！
 名在恒山 全祖望曰渚水是渚水考之說文始得了然
 入濁乃入澗也石勒與遼西段氏兄弟盟於渚陽蓋其地
 矣胡梅磧不知故渾注之 按諸當作渚濁當作澗說文
 可證張縣後省入任縣其地一名渚陽城城在渚水之陽
 邑字蓋衍

莽曰直聚

封斯

元和志平棘縣有——村 一統志——廢縣在今趙州
 界舊志云有河屯營城在州西北二十里疑是

侯國

王子侯表——戴侯胡傷武帝元朔二年以趙敬肅王子
 封

關

春秋哀四年齊國夏伐晉取欒杜注欒晉地在趙國平棘
 縣西北本欒武子封邑其後南徙漢於其地置——縣後漢
 改曰欒城 水經注白渠水又東南逕——縣故城北又東
 南為成郎河又東逕耿鄉南 後書張禹傳注今定州行
 唐縣西北有故關邑城 通典今趙州欒城縣本漢——縣

地故關邑城在今定州唐昌縣西北 元和志樂城縣東
 南至趙州三十九里本漢一縣 寰宇記關縣在今鎮州
 南五十里 河朔記訪古記樂城縣春秋晉靖公孫賓食
 邑賓因以樂為氏西漢為關縣即今治也後漢為關城縣
 故城在今趙州西北十六里今日輪城是也 一統志一
 縣故城在今正定府樂城縣北縣志云在縣北十里董保
 邱 按何義門據通鑑注謂關當作開宋白曰樂城縣本
 漢開縣是也其說甚新存參

平棘

左傳哀元年伐晉取棘蒲 史記趙世家敬侯六年伐魏
 取棘蒲 十三州志一一本晉之棘蒲戰國時改為一一

水經注汶水又東逕一一縣南 師古曰功臣表棘蒲
 侯陳武一一侯林擊是則一一棘蒲非一地也 元和志
 今趙州一一縣本春秋時晉棘蒲邑漢文帝三年濟北王
 興居反遣棘蒲侯柴武擊之武帝時又有一一侯薛澤為
 丞相蓋漢初為棘蒲後改為一一也 寰宇記漢廢一一
 在今一一縣南 名勝志一一山有二在趙州北者曰大
 一一在趙州南者曰小一一皆去城百步許因其頂平而
 生棘故名 一統志棘蒲故城即今趙州治一一故城在
 趙州南後漢時亦謂之南一一光武建武元年從薊至中
 山行到南平棘諸將固請正位號即此舊志云一一在棘
 蒲之南後移治於棘蒲故以一一為南一一也 又云一一

一山有二在州北者曰大平棘在州南者曰小一一皆去城百步許山頂平而多棘故名漢因以山名縣 錢大昕曰按趙世家敬侯六年伐魏取棘蒲正義云今趙州一一縣古棘蒲邑也今考陳武以高帝六年封棘蒲侯而七年又封林摯為平棘侯則一一非即棘蒲或其地相去不遠棘蒲國除之後省入一一耳 錢坫曰應劭云一一即棘蒲非也棘蒲魏邑靳歙傳所謂安陽以來東至棘蒲者是 一一在安陽西數百里本趙邑不得合而為一 鄒世祖即位更名高邑

左傳哀四年齊國夏伐晉取一一杜注一一即高邑縣也 史記趙世家武靈王二十一年攻中山王軍取一一石邑封龍

東垣中山獻四邑以和 又燕世家使栗腹將而攻鄒趙使廉頗擊破之 又信陵君傳趙王以一一為公子湯沐邑

本書王子侯表敬侯舟以趙敬肅王子封師古曰敵鄒古通 東觀漢記諸將上尊號乃命有司設壇場于一干

秋亭五成陌皇帝即位改一一為高邑 說文一一常山縣世祖所即位今為高邑 字林一一火沃反 李彥曰音羹臙

之臙 廣韻音高 師古曰音呼各反 後漢書光武紀 注音火各反 元和志今趙州柏鄉縣贊皇二縣本春秋

時晉一一邑之地漢以為縣 寰宇記高邑故城本漢一一縣也在今趙州柏鄉縣北二十一里 國語補音一一作鏡本

音故老反又有郝音常山縣漢世祖即位為高邑者非周

地也 集韻一 同隔讀作上聲類高同 九域志一 春秋時晉邑管仲對齊桓公一 邑之黍是也 鄭端禮曰一 水各反木一名分而為高邑者光武也 大清一統志一 縣故城在今趙州柏鄉縣北

莽曰禾成亭

地理志稽疑功臣侯表有禾成孝侯公孫昔酈元曰和私成則新莽分置下曲陽之郡也屬鉅鹿然非也蓋常山之莽改為禾成者也 新校地理志禾亦作和莽有和成郡故此曰亭也

樂陽

水經注綿蔓水東流逕一一縣故城西又屈從城南俗名曰臨清城非也 後書銚期傳注一一今恒州藁城縣也故城在縣西 一統志一一故城在今正定府獲鹿縣北

侯國

王子侯表一一繆侯說宣帝地節三年以趙頃王子封

莽曰暢苗

一本作陽苗

平臺

後書邳彤傳注一一縣屬常山縣諸本多云一一者誤也侯國

恩澤侯表一一康侯史公宣帝元康二年封

莽曰順臺

都鄉 侯國

王子侯表——孝侯景宣帝甘露二年以趙頃王子封注
曰東海而志屬常山表注誤也

有鐵官

續志——縣有鐵

莽曰分鄉

南行唐

史記趙世家惠文王八年城——徐廣曰——在常
山 括地志行唐縣屬翼州 後書光武記注——今
恒州縣也 元和志今恒州行唐縣本趙——邑漢以
爲縣後魏始去南字 名勝志阜平縣在真定府西北二

百五十里本漢行唐縣地 太清一統志——故城在

今正定府行唐縣北 按本志凡郡國縣邑名同者則加
東西南北上下或新字以別之惟常山郡之——考他
郡別無行唐縣而此加南字未審何故

牛飲山白陸谷滋水所出東至新市

屬鉅鹿郡

入虜池水

說文滋水出牛飲山白陸谷東入呼沱从水茲聲 續志
作石向谷 山海經高是之山滋水出焉南流注於滹沱
郭注今在北地靈邱縣 元和志滋水出靈邱縣西南枝
回山與高是山連麓接勢其水懸河五丈湍激之聲響動

山谷樵札之士咸由此渡巨木淪湑久乃方出或落崖石無不粉碎 又云滋水在——縣南二十六里北去真定縣三十里 寰宇記滋水在今鎮州——縣南三十六里從九門縣東北入無極縣界東南入滹沱河 大清一統志行唐縣西北五十里有箕山其西爲牛飲山滋河源出山西五臺縣界亦名資水與射虎山川東西分流十餘里卽入邊塘至正定府界漢行唐縣是也元和志據山海經注謂源出行靈邱又謂至行唐縣合流與今水道不合又古時滋水與滹沱合流今折而東北與滹沙二水合不入滹沱矣 皇朝通志滋河卽古資水源出山西五臺縣東穿長城入直隸平山縣西北經靈壽縣北行唐縣南又經真定府北無極縣南東北流經晉州西北深澤縣北又東北至祁州東南合沙河會唐河爲豬龍河 水道提綱滋河源出山西五臺縣東界烏牛山北麓東流穿長城入直隸平山縣西北界山中東南流經靈壽縣北行唐縣南正定府北又東經無極縣南折而東北流經晉州西北深澤縣北祁州東南與沙河會而北合唐河

漢書地理志補注卷二十五

清河郡

常熟 吳卓信 編纂

水經注屯氏別河又東北逕——南又東北逕——故

城西地理風俗記曰甘陵郡東南十七里有——故城者

世謂之鵲城也 今水經清水源出輝縣西南七十里山

陽鎮東南流經獲嘉縣界又東南至淇縣界注于淇淇水

又東流入于衛 大清一統志清水自輝縣西南東流經

獲嘉縣北又東流經新鄉縣西北至合河店西入衛河

方輿紀要——今廣平府南至東昌府北境是其地

按漢——今直隸廣平府之清河縣冀州之南宮棗強

二縣山東東昌府之清平恩二縣及高唐州濟府之平原縣臨清州之武城夏津二縣皆其地清水即淇水蓋以水氏郡也

高帝置

方輿紀要——本趙地景帝中二年分為清河國建元五年為郡元鼎二年復為國地節三年復為郡初元二年又為國永光初仍為郡平帝元始二年置廣宗國或曰在清河境內 口地理志稽疑清河故屬秦鉅鹿郡高帝分置仍屬趙國景帝中三年別為清河國武帝建元六年復故元鼎三年復為國宣帝地節四年復故元帝初元二年復為國永光元年復故

莽曰平河屬冀州縣十四

清陽東武城繹幕靈厝郇貝邱信成憇題東陽信鄉繚棗強復陽

清陽

水經注清河又東北逕——縣故城西漢高祖置清河郡治此 括地志——故城在今清和縣東北八里 元和志今貝州——縣本漢舊縣又博州清平縣亦漢清陽縣地 寰宇記古清陽縣城在今貝州——縣東南三十五里 大清一統志——故城在今廣平府清和縣東

王都

漢書考異按漢志稱王都者惟清河之清陽信都之信都

若泰山之盧則云濟北王都江夏之邾則云衡山王吳芮
都以郡與國不同名也廣陵之廣陵則云江都易王非廣
陵厲王胥皆都此此外無言王都者淮南王安都壽春則
朱贛言風俗及之炳燭偶鈔漢書功臣表清和定侯王
吸史記作——按地志——縣爲清河郡下第一縣列侯
無以郡封者則史記作——爲是然注於——下又注王
都二字蓋景帝子清河哀口王乘所都乘立十二年薨無
後國仍爲郡計哀王受封正吸曾孫不害爲侯之時其地
旣爲王國何得又爲侯國豈中經徙封而史畧之耶按
史記漢興以來諸侯年表孝景中二年初置清和都濟陽
濟陽當作——注云王都是其證也

東武城

史記平原君傳相趙三去相三復位封於——水經
注清河又東北逕——縣故城西定襄有武城故此加
東後書濟南安王傳注——今貝州武城縣是通
典今貝州武城縣漢曰——縣七國時趙封平原君勝
於此一統志——故城在今臨清州武城縣西舊志
云在縣西十里錢坵曰東海郡南成卽南武城也故此
云東

繹幕

應劭曰繹音亦師古曰本音弋尺反續志殷祖乙時置
驛於此水經注大河故瀆北逕——縣故城東北又云

屯氏別河北瀆東逕——縣故城南東絕大河故瀆 寰
宇記作驛幕城在平原縣西北二十里 一統志——故
城在今濟南府平原縣西北

靈

孟子孟子謂蚺鼃子之辭靈邱而請士師 史記趙世家
敬侯二年敗齊於靈邱 又惠文王十四年樂毅將趙秦
韓魏燕攻齊取靈邱 又田齊世家威王元年三晉因齊
喪來伐我靈邱 寰宇記——縣故城在今博州高唐縣西
二十里 胡三省通鑑注——縣殆卽齊之靈邱 金史地
理志博州高唐縣有靈邱鎮卽漢縣 肇域記北平縣東
北四十里有——城漢縣也 山東通志——城在今東昌府

博平縣東北四十里高唐南鎮之畔 一統志——縣故城
在今東昌府高唐州西南與博平縣接界
河水別出爲鳴犢河東北至菑

屬信都國

入屯氏河

本書溝洫志元帝永光五年河決清河靈鳴犢口而屯氏
河絕師古曰清河之——縣鳴犢河口也 晉書地道記——
有鳴犢河 水經注大河故瀆又東北逕——縣故城南別
出爲鳴犢河鳴犢河東入郟縣而北合屯氏故瀆又東北
合大河故瀆謂之靈鳴犢口十三州志曰鳴犢河東北至
菑入屯氏縣考犢則不至菑也 寰宇記鳴犢河在今東

光縣東南 寰宇通考志毛河在河間府滄州西南五十
七里即漳水也一名棣河又名屯氏河自南皮縣流經州
境至益山縣城南東北入於海 大清一統志鳴犢河故
瀆在今河間府景州西南 按鳴犢河在今東昌府博平
縣北高唐州南三十五里河決鳴犢至鄆縣東出舊今河
間府景州地與屯氏北瀆遠不得至舊也酈注說是

莽曰播

水經注作播亭

厝

續郡國志甘陵故一安帝更名 應劭曰安帝以孝德皇
后葬于一改曰甘陵 水經注大河故瀆又東逕甘陵縣

故城南地理志所謂厝也是周之甘泉市地也 玉篇一

秦昔切縣名在清河 師古音趨亦反 寰宇記故一城

在今貝州清陽縣東南三十里 寰宇通志廣平府清河

縣秦為一縣屬鉅鹿郡漢屬清河 大清一統志甘

陵故城在今東昌府清平縣南漢置一縣後漢改曰甘陵

莽曰厝治

郟

史記河渠書田蚡為丞相其奉邑食郟郟居河北決而南
則一無水災邑收多蚡言於上久之不事復塞也 蘇林

曰音榆 玉篇一庚娛切清河郡一縣又音輸 師古曰

音輸 史炤通鑑釋文音俞 水經注河水故瀆又東逕

一縣故城東又東逕平原縣故城西 又云屯氏故瀆又東北逕一縣與鳴犢河故瀆合 後書馬武傳注一縣故城在今德州平原縣西南 寰宇記一縣故城在今德州西南五十里 肇域記夏津縣東北三十里有小城高后封呂它孝景封欒布皆此處又爲武安侯田蚡食邑 山東通志一城在平原縣南三十里 大清一統志一縣故城在今濟南府平原縣西南隋改置于夏津縣實非漢時故地元和志謂夏津卽漢一縣而諸志從之誤也 按一史表作俞如淳曰俞卽一也蓋古通用

莽曰善陸

貝邱

本書溝洫志宣帝地節中光祿大夫郭昌使行河北曲三所水流之勢皆邪直一一縣恐水盛隄防不能禁乃各更穿渠直東經東郡界中不令北曲三所渠通利百姓安之水經注大河故瀆又東逕一一縣故城南 元和志今貝州永濟縣本漢一一縣地 寰宇記一一故城在今貝州臨清縣東南五十里城內有邱高五丈周回六十八步北道刊誤志大名府永濟縣本漢一一縣之地 大清一統志一一故城在今東昌府清平縣西南舊志云在西南四十里 按左傳莊八年齊侯田於一一杜注一一齊地在樂安博昌縣南京相璠曰博昌縣南有地名一一續志博昌縣其中有聚是也應仲瑗引以證清河之一一誤

矣

都尉治

信成

水經注清河北逕——縣故城西應劭風俗紀曰甘陵西

北五十里有——亭故縣也 元和志今貝州郭下清河

縣本漢——縣地 寰宇記——故城在今貝州西北十

二里故州城外 寰宇通志漢分厝縣置——縣屬清河

大清一統志——故城在今廣平府清河縣西北

張甲河首受屯氏別河東北至菑

屬信都國

入漳水

水經注張甲河受屯氏別河故瀆北絕清河於廣宗縣分

為二瀆右瀆注絳左瀆注清漳十三州志曰張甲河東北

至菑縣入清漳者也 元和志張甲括河東去經城縣十

里 九域志大名府臨清宗城二縣並有張甲河 大清

一統志張甲河故瀆在今河間府故城縣及景州界又順

德府之廣宗縣東

𤝱題

師古曰𤝱古莎字 寰宇記——縣地理書並失其所在

按郡國縣道記云在貝冀德三州之界即今棗強地也

漢書考異說文無𤝱字當是𤝱之譌說文𤝱心疑也讀若

易旅瑣瑣莎與瑣音相近 按功臣侯表有題侯張富昌

注曰鉅鹿而本志無之徐位口山謂卽清河之——縣未知確否荀悅漢紀作蹋蹠則以其踏尸救太子故也

東陽

左傳襄二十三年齊侯伐晉取朝歌趙勝率——之師以追之 又昭二十二年晉荀吳畧——遂襲鼓滅之杜注——晉之山東魏郡廣平以北正義鼓在鉅鹿居山之東山東曰朝陽知——是寬大之語總謂晉之山東故爲魏郡廣平以北 國策國子曰兼魏之河南絕趙之東陽則趙魏亦危矣 韓非子應侯謂秦王曰弛上黨以臨——則邯鄲口中蝨也史記趙世家惠文王口八年王再之衛——決河水伐魏氏正義——先屬魏今屬趙河歷貝州

南東北流過河注屯氏別河枝津又東北逕——縣故城

南地理風俗記曰東武城東北三十里有——鄉故縣也

括地志——故城在今貝州歷亭縣界 通典今貝州

漳南歷亭二縣並漢——縣地 地理通釋自漢以前——

——大抵爲晉太行山東地非有城郭邑也楚漢之間始置

——郡漢置——縣今山東東昌府恩縣西北六十里有

——城猶南陽爲河內之總名而別有南陽城則在修武

也 山東通志——城在今武城縣東北三十里 大清

一統志——故城在今東昌府恩縣西北舊志云在縣北

六十里衛河南岸

侯國

王子侯表——節侯宏宣帝本始四年以清河綱王子封
莽曰胥陵

信鄉

孟康曰順帝更名安平 水經注屯氏故瀆東逕——縣
故城南應劭風俗記曰口甘陵西平十七里有——城故
也 水經注清河又東北逕——故城西 一統志——
故城在今臨清州夏津縣西亦曰新鄉 按孟康之說水
經亦因引之今考續志實無此縣

侯國

王子侯表新鄉侯豹宣帝本始四年以清河王綱子封師
古曰古新信通

繚

水經注泲水故瀆又東南逕——城縣故城北十三州志曰
經縣東五十里有——城故縣也 師古曰音良笑反 寰
宇記——縣故城在今冀州南宮縣東南二十六里故城猶
存 一統志——縣故城在今冀州南宮縣東南 按功臣
侯表有輅陽侯江喜注曰清河全謝山以爲卽——縣未審
其確

棗彊

水經注清河又東北逕——縣故城西地理風俗記曰東
武城西北五十里有——城故縣也 元和志今冀州——
縣本漢陽縣高帝以留盼爲——侯其地棗木強盛故

名 寰宇記——故城在今縣西南十五里 一統志——
故城在今冀州——縣東南 按王子侯表有——侯
晏武帝元朔三年以廣州惠王子封即此

復陽

應劭曰復音腹 水經注清河又東北逕——縣故城西

地理風俗記曰東武城西北三十里有——城亭故縣也

世名之曰檻城非也 寰宇記——故城在今冀州棗強

縣西南十八里 名勝志今冀州棗強縣西南有——隄

一統志——故城在今臨清州武城縣東北 按史記

功臣侯表——剛侯陳胥高祖七年封索隱曰屬南陽水

經注以為在清河據本志南陽郡——注云侯國似索隱

之說為當矣然清河郡亦有——縣顧宛溪云——故城

在今棗強縣西南十八里漢縣後漢時省此即陳胥之封

邑非南陽之——也南陽之——關駟曰故湖陽之東鄉

元帝元延二年置安得以為陳胥封邑乎

莽曰樂歲

漢書地理志補注卷二十六

涿郡

常熟 吳卓信 編纂

水經注應劭曰——南有——水蓋氏焉闕駟亦言是矣今於涿郡南無水以應之惟西南有水應劭又云——水出上谷——鹿縣按——水自——鹿東注灤水灤水東南逕廣陽郡與——郡分水——之爲名當受——水通稱矣故郡縣並氏之但物理潛通所在分發故在上谷爲——耶 後書光武紀注——故城在今幽州范陽縣 寰宇記涿州東北至幽州一百三十里南至莫州一百六十里 又云涿水源出范陽縣西土山下東北流經縣北五里又東注聖水

王會上契丹事自新城七十里至涿州又六十里至良鄉
武經總要涿州故涿鹿之野漢置一一方輿紀要一

一秦上谷郡地今順天府之涿州至保定府之境又真定
府之東河間府之西皆是 又云涿水源出保安州之涿

鹿山經山谷中歷房山縣界東南流至涿州北又南會於
挾河 按漢一一今直隸順天府之良鄉固安房山三縣

及涿霸二州保定府之清苑定興新城傳野容城容高陽
七縣河間府之河間獻任印三縣易州之涑水縣深州之
饒陽安平二縣定州之深澤縣皆其地

高帝置

應劭曰一一故燕高帝六年置 地理志稽疑一一故屬

秦漁陽郡楚漢之際屬燕國高帝六年分置仍屬燕國武
帝元朔二年復故元狩三年復燕國昭帝元鳳元年復故
莽曰垣翰屬幽州

晉書地理志口幽州按禹貢冀州之域舜置十二牧則其
一也周禮東北曰幽州春秋元命包云箕星散為幽州分
為燕言北方太陰故以幽冥為號武王定殷封召公於燕
其後與六國俱稱王及秦滅燕以為漁陽上谷右北平遼
西遼東五郡漢高祖分上谷置一一武帝置十三州幽州
依舊名不改其後開東邊予菟樂浪等郡亦皆屬焉元鳳
元年改燕曰廣陽郡幽郡所部凡九郡

有鐵官

本書五行志征和二年——鐵官鑄鐵鐵銷皆飛上去
後書和帝紀永元十五年復置故安縣鐵官

縣二十九

涿迺穀邱故安南深澤范陽蠡吾容城易廣望鄭高陽州
鄉安平樊輿成良鄉利鄉臨鄉益昌陽鄉西鄉饒陽中水
武垣阿陵阿武高郭新昌

涿

通典——縣在范水之陽漢——郡故城亦在此 大清一統
志——縣故城卽今順天府——州治漢爲——郡治

桃水首受涑水分東至安次

屬勃海郡

入河

水經注聖水自涿縣東與桃水合菴水首受涑水於徐城
東南良鄉西分垣水世謂之南涉溝卽菴水也東逕迺縣
北又東逕——縣故城下與——水合世以爲——水亦謂之菴
水水出——縣故城西南奇溝東八里大坎下東北與樂堆
泉水合注于——水——水又東南逕——縣故城西流注於菴
又云涑水東逕——縣故城下與——水合謂之拒馬河亦
曰拒水 大清一統志拒馬河在今涿州西北自涑水縣
流入與琉璃河合卽古菴水也 又云安次在今東安縣
界水經注於下流已但言聖水今更爲渾河所奪而東安
縣南五十里有菴河泊當猶以菴水得名也古拒馬水至

涑水縣北折而南其東分者爲菴水今拒馬河直至州北
涑水之故瀆絕而不續亦與古不同矣 按入河入拒馬
河也

迺

史表作迺 水經注涑水上承故瀆于一縣北垂重源再
發結爲長潭東南流逕一縣故城東謂之拒馬河亦曰渠
水也 師古曰一古迺字音字由反 隋志上谷郡涑水
縣舊曰一縣開皇十八年改 括地志古一城在易州涑
水縣北一里 通典今易州涑水縣漢之一縣一卽由反
寰宇記廢涑水縣本漢一縣故城在易州北二十四里
集韻迺縣名在涿郡或作一 名勝志今涑水縣北有

迺欄鋪卽漢一縣 大清一統志一縣故城在今易州涑
水縣北舊志云漢時故城在拒馬河西北二里俗名周城
濠 按功臣侯表孝景中元三年封匈奴降王陸彊爲一
侯卽此

莽曰迺屏

水經注作迺平

穀邱

寰宇記一故城在今深州安平縣西南十五里 大清
一統志一故城在今深州安平縣西南志云今訛爲角

邱社

故安

後書王常傳注——故城在今易州縣南 隋志涿郡固
安縣舊曰——開皇六年改 元和志今易州郭下易縣
本漢——縣文帝以申屠嘉爲——侯卽此故城卽燕之
南鄙周回約三十里 史記正義今易州界武陽城中東
南隅有——故城 名勝志——故城在今易州南七百
步故燕之南鄙也 方輿紀要武陽城在今易州東南二
十七里故燕之下都也史記趙與燕易土燕以武陽與趙
水經注武陽燕昭王所城東西二十里南北十七里其東
南又有小城東西二里南北一里卽——縣故地也又圖
經云州南有故燕國延袤六十里召公以後皆都此亦謂
之古燕城 大清一統志——故城在今易州東南戰國

燕武陽邑史記趙孝成王十九年與燕易土燕以武陽與
趙卽此

閻鄉易水所出東至范陽

屬本郡

入濡也并州窳

夏官職方并州其浸涑易鄭注易出—— 戰國策燕南
有滹沱易水 又云趙之攻燕也渡滹沱涉易不至四五
日而距國都矣 水經易水出涿郡——縣閻鄉西山注
云易水出西山寬中谷高誘云易水經——城外東南流
誘是涿人事經州證其水東經武陽東武陽大城東南小
城卽——城之故城也今水被城東南隅世謂之——河

自一一縣東逕范陽縣故城南又東與濡水合 括地志
易水一名一一河又名北易水源出易州易縣西谷中之
東東南流過歸義縣東與滹沱河合 元和志易水出今
易縣西寬中谷燕太子丹送荆軻易水之上卽此水也
寰宇記易水有三南易水一名雹水源出易州西南六十
里之石虎岡北易水一名濡水源出易州西北三十里之
窮獨山亦名馬頭山二水會於黑龍口在容城新安二縣
之間卽古燕趙分界處中易水卽水經云出涿郡一一縣
閭鄉城谷中者也今在易州西入廣昌縣界東經易京城
與北易水合流入拒馬河 今水經易水源出易州閭鄉
西山東過涿州南又東過安州城北與保定府境沙河合

又東至雄縣南爲尾濟温義河來往之至保定縣爲磁河
過河間府境任邱縣西六十里至獻縣五里鋪入於滹沱
河 大清一統志易水在今順天府易州古爲并州之浸
有中南北三水出易州西者謂之中易以在濡雹二水之
中也出州西北者曰濡水謂之北易出州西南者曰雹水
謂之南易自宋興塘灤故道多湮 又云易水源出易州
西東流入保定府定興縣西南與拒馬河合卽中易水也
又云南易水在今易州南六十里源出州西南東流入
保定口府安肅縣續郡國志云一一雹水出水經注代之
易水出代郡廣昌縣東南卽山其水東流俗謂之爲雹河
又東逕一一城南卽閭鄉城也班固鬪駟之徒咸以斯水

謂之南易 水道提綱易水源出易州西山龍華店西北東流有濡水來會又東出山經州城西南又東南經定興縣有涑水來會又東南過楊村北又東南至新城縣南與北來之拒馬河會其水至清故俗稱白溝河 又云長流河卽古南易水一名雹水一名鮑河源出易州西南山在易水源東南三十餘里兩澗合而東南流經安肅縣北容城縣西南有諸水來會東入泊又東爲趙北口又東與拒馬河會于雄縣又東北自泊流出爲清水河

濡水

舊脫濡字今從水經注增

亦至范陽入涑

說文濡水出涿郡——東入涑從水濡聲 水經注濡水出——縣西北窮獨山南谷東流與源泉水合又東南流經樊於期館西荆軻館北又東逕武陽城西北又東逕紫池堡又東得白楊水口又東合檀水又東南流於容城縣西北大利亭東南合易水而注拒馬水也故地理志曰易水至范陽入濡濡水亦至范陽入涑也 大清一統志濡水在今易州北卽北易水也東南入定興縣界爲沙河舊志云在州北三十里源出州西北會數水入定興縣界爲沙河卽古濡水也元和志濡水在北平縣西五里舊志源出伊祁山俗名祁水古濡水有二方順河爲南濡其北濡卽北易下流爲定興縣之下流沙河 皇朝通志濡水出

窮獨山為三易上源之一乾隆二十六年特加疏濬

賜名安河 水經注釋水經注謂二易俱出一鄉同入濡水

南濡北易至范陽縣會北濡並亂流入涑按南濡會蒲蘇

諸水合於雹河何曾至范陽與涑水合方順河即曲逆水

後人醜其名故易之道元此注謬甚 按水經注此句水

字上當有濡字言濡水亦至范陽入涑也今本漢書脫之

耳師古注謂易水又至范陽入涑大謬

南深澤

方輿紀要——城在今祁州深澤縣東南五十七里口

道志云漢置深澤縣屬中山國今縣治是也又於滹沱河

南置——縣屬涿郡此城是也後漢廢深澤縣而南深

澤如故後魏改為深澤縣北齊廢隋復置縣於滹沱河北

即漢故深澤縣而——遂廢 漢書考異按元和志云

定州深澤縣本漢——縣以涿郡有深澤縣故此加南

然則中山之深澤有南字涿郡之深澤無南字矣與今本

互易以里望準之中山實在涿郡之南然續漢至于安平

國之——亦云故屬涿似今本元不誤 新校地理志

中山之深澤今為定州深澤縣地而涿郡之深澤志地理

者皆未言及考王莽以容城縣改稱深澤容城即今保定

容城縣則涿郡深澤即為此縣之地未可知矣

范陽

史記張耳陳餘傳為陳勝畧地燕趙命——人蒯通說——

一令先下之趙地聞之不戰而下者三十餘城 應劭曰
縣在范水之陽 水經注易水又東梁門陂水注之梁門
陂北接一一陂陂在一一縣西十里俗亦謂之鹽臺陂東
南流出長城注於易謂之范水易水自下有范水通目又
東逕一一縣故城南又云涑水東南流逕迺縣故城東謂
之拒馬河又東南逕一一縣故城北易水注之 元和志
一一故城秦一一縣也在今易州易縣東南六十二里
名勝志金大定中以一一黃村置定興縣鋤地得磚有紅
字云大魏太和八年日月幽州范陽縣史小磁妻某氏銘
記尤足證此地爲一一縣屬也 又云一一縣故城在今
易州東南六十里之故城鎮 方輿紀要范水在涿州南

自易州涑水縣流入下流合於拒馬河一一之名本此
大清一統志一一故城在今保定府定興縣南舊志云今
爲故城鎮訛爲固城在縣南四十里 按功臣表景帝中
元三年封匈奴降王代爲一一侯卽此

莽曰順陰

地理志稽疑以在順水之陰故名

蠡吾

水經注涑水又東北逕一一縣故城南地理風俗記曰縣
故饒陽之下鄉也 師古曰蠡音禮 後書桓帝紀注一
一故城在今瀛州博野縣西 名勝志博野縣在今保定
府城東南九十里本漢一一縣地 大清一統志一一故

城在今保定府博野縣西南舊志云今有——鄉人云按今之博野乃古之——今之蠡縣乃漢之博陵後魏及唐宋以來之博野自北齊廢——入博野——故地遂為博野之西境宋置永寧軍金改蠡州並以博野為倚郭元初省博野其後復置於今蠡縣界其時蠡州與博野始分然博野之名猶在故地也明洪武元年遷於西南十八里為今治由是博野蠡縣名稱互易皆非故地明統志但據現在之——名不考分合徙之由所載沿革皆誤且彼此混淆今特訂正

容城

水經注易水東逕——縣故城南又東堽水注之 又云

拒馬水又東逕——縣故城北渾濤東注至平舒縣與易

水合 後書耿弇傳注——故城在今易州道縣 元和

志今定州——縣本漢陽縣 寰宇記漢——廢在今雄

州西北五十里 北道刊誤志雄州——縣戰國時其地

屬燕漢為縣漢志曰燕地南屆涿郡之—— 方輿紀要

——故城在今縣西北三十里距易州八十里漢唐以來

縣蓋治此 大清一統志——故城在今保定府——縣

西北舊志云有古城在今縣北十五里城子村周迴七里

即故縣也 按——中興後省故續志無之而三國魏志

孫禮——人盧毓封——侯則縣於漢末魏復置也 又

按功臣侯表孝景中元三年封匈奴降王徐盧為——侯

卽此

莽曰深澤

易

史記趙世家惠文王五年與燕鄭易 又絳侯世家以將

軍從擊燕王臧荼破之 下索隱曰謂荼軍於 水之下

言近水也 世本燕桓侯徙臨易宋忠曰今河間易縣是

也 水經注 水又東逕 縣故城南昔燕文公徙易卽

此城也 闕駟稱太子丹遣荆軻刺秦王祖道於易水之

上疑卽此地 括地志 縣故城在歸義縣東南十五里

史記索隱 水名因以爲縣 通典今 州所理 縣

及幽州歸 並漢易縣也 寰宇記歸義縣東南十五

里有大易故城是燕桓侯之別都 北道刊誤志雄州本

歸義縣之瓦橋歸義卽 縣地 於西漢屬涿郡 名勝

志雄縣在保定府城東二百三十里本戰國燕桓侯之別

都漢稱 縣以爲 水所逕也 大清一統志 縣故城

在今保定府雄縣西北舊志云在縣西北十五里太平社

按功臣侯表孝景中元三年封匈奴降王僕黥爲 侯

卽此

廣望

水經注博水又東逕 縣故城北 寰宇記 故城

在今保定府清苑縣西南五十里 大清一統志 故城

在今保定府清苑縣西南舊志云有王莽城在縣東南四

十里疑卽廣望之訛也

侯國

王子侯表——節侯忠元帝元朔二年以中山靖王子封

按史表作望廣誤

鄭

史記趙世家惠文王五年與燕——易 應劭曰音莫 水

經注易水逕安次縣南——縣故城北東至文安縣與滹沱

合史記蘇秦曰燕長城以北易水以南正謂此水也是以

班固關駟之徒咸以斯水謂之南易 後書張敏傳注——

今瀛州——縣 寰宇記任邱縣本漢——縣地——縣廢城在

今莫縣東北三里 通典開元十三年命集賢學士衛包

改古文以——類鄭去邑作莫今莫州任邱縣卽古——地

大清一統志縣故城在今河間府任邱縣北 按王子侯

表——侯異衆宣帝元延二年以南郭侯霸弟紹封卽此

又按史記扁鵲傳稱勃海郡——人則漢初——縣嘗隸勃海

也

莽曰言符

高陽

應劭曰縣在——河之—— 水經注漣水又東北逕依城北

世謂之依城河地說無依城之名卽古菖城也郡國志曰

——有葛城燕以與趙者也 通典今瀛州高陽縣漢舊

縣 寰宇記高陽故城在瀛州西北七十里 名勝志呂

原記云——故城在今——縣東二十五里龍化村按卽猪龍河也俗傳顓頊時有猪化龍而成是河故曰猪龍河村曰龍化村至今河流清此或時浪湧作龍起之勢 方輿紀要——城在今保定府安州——縣東二十五里高河自馬家湖分流其別出者曰猪龍河俱引而東經——故城南又東北經安州界下流入白洋淀合雄州之瓦橋河志云高河舊流自縣境東南流入河間府河間縣又東南流至交河縣入滹沱河此非故流矣 大清一統志——故城在今保定府——縣東舊志云明洪武三年河溢縣始遷豐家口卽今治東去古城二十五里戰國時燕封宋榮蚩爲——君卽此史記索隱謂縣卽古——氏所興

——記古城一名化龍城顓頊所築今其地名化龍村皆傳訛也 按王子侯表有安都侯志以齊悼王子封正義以爲——則涿郡也

莽曰高亭

州鄉

通典今瀛州所理河間縣本漢——縣漢武帝得鈎弋夫人於此 寰宇記漢——故城在今瀛州河間縣東北四十里後漢并入武垣 一統志——故城在今河間府河間縣東北

侯國

王子侯表——節侯禁武帝元朔二年以河間獻王子封

安平

後書桓帝紀注——今定州縣也 元和志今深州——

縣本漢陽縣 九域志——縣在深州西北八十五里

一統志——故城即今深州——縣治 按功臣侯表高

帝六年封鄂千秋為——侯恩澤侯表昭帝元鳳六年封

楊敞為——侯並即此

都尉治莽曰廣望亭

樊輿

水經注易水又逕——縣故城北地理風俗記曰北新城

縣東二十里有——亭故縣也 寰宇記——廢城在今

保州清苑縣東南三十五里一名隅城 大清一統志——

——故城在今保定府清苑縣東南舊云今謂之御城據水

經注——城在北新城東容城西應在今清苑縣東北安

肅縣界與寰宇記不合

侯國

王子侯表——節侯修武帝元朔五年以中山靖王子封

莽曰握符

成侯國

王子侯表——獻侯喜昭帝元鳳五年以中山康王子封

莽曰宜家

良鄉

水經注灤水又東南逕——縣之北界歷梁山南高粱水

焉梁良古字通 又云聖水南流歷一一縣西又南逕
一一縣故城西 寰宇記一一縣今屬幽州 名勝志一
一縣在今順天府西南七十里即漢縣春秋時燕中都地
大清一統志漢一一故城在今順天府房山縣東舊志
云在涿州北四十里

侯國

王子侯表梁鄉侯交成帝綏和元年以趙共王子封

垣水東南至陽鄉

屬本郡

入桃

水經注垣水上分涑水于一一縣之莧水世謂之北涉溝

又東逕涿縣北東流注於莧 大清一統志胡良河源出

房山縣大安山流入涿州北又東南合拒馬河入琉璃河

即古垣水也 水道提綱胡良河即古垣水出房山縣西

南之大安山東南流經涿州北又東南入拒馬河

莽曰廣陽

利鄉侯國

王子侯表一一孝侯安宣帝甘露元年以中山次王子封

注曰常山據本志常山乃都鄉而一一屬涿則表注誤也

莽曰章符

臨鄉

史記趙世家孝成王十九年與燕臨樂徐廣曰方城有一

水經注獲澗水東南逕——城南地理風俗記曰方城縣南十里有臨鄉城古縣也 括地志——故城在今涿州固安縣南五十七里 大清一統志——故城在今順天府固安縣南

侯國

王子侯表——頃侯雲元帝初元五年以廣陽頃王子封益昌

水經注拒馬水東逕——縣故城南地理風俗記曰方城縣東八十里有——城故縣也 寰宇記——故城在今涿州固安縣東南五十里 名勝志永清縣在今順天府西南一百五十里本漢——縣地 大清一統志——故

城在今順天府霸州東北

侯國

王子侯表——頃侯嬰元帝初元五年以廣陽頃王子封莽曰有秩

按秩即襄字水經注作有秩宋祁曰當作有杖陽鄉

水經注聖水又東南逕——縣城西縣故涿之陽亭也地理風俗記曰涿縣東五十里有——亭後分爲縣即長鄉縣也太康地記涿有長鄉而無——也 後書耿弇傳注——故城在今幽州固安縣西南 寰宇記——故城在今順天府涿州固安縣西北七十二里亦謂之長鄉城

方輿紀要——城在今良鄉縣西北 大清一統志——
故城在今順天府固安縣西北

侯國

王子侯表——思侯發係元帝初元五年以廣陽頃王子
封

莽曰章武

西鄉

水經注：「狹河水出良鄉縣西甘泉原東逕——縣故城北
世謂之都鄉城按地理志涿郡有——城而無都鄉城蓋
世傳之非也 寰宇記——故城在今涿州范陽縣西北
二十里 大清一統志——故城在今順天府涿州西北

侯國

王子侯表——頃侯容元帝初元五年以廣陽頃王子封
莽曰移風

饒陽

史記趙世家：「悼襄王六年封長安郡君以饒徐廣曰今——
在河間正義曰饒即饒陽也故城在瀛州——縣東二
十里 應劭曰縣在饒河之陽 後書光武紀注——
故城在今瀛州——縣東北 元和志今深州——縣本
漢舊縣 寰宇記——故城在今深州——縣東北二十
里 九域志恩州武城縣有——鎮 大清一統志——
故城在今深州——縣東饒河在縣西南舊志云本滹沱

支流昔時北注入易水今湮 按——故城有二並在今
深州——縣一在縣東本趙饒邑卽漢縣一在縣南名魯
口城乃北齊時所移治也

中水

應劭曰縣在易澹二水之間故曰—— 郡國縣道記——

——城南枕滹沱北背高河 寰宇記——故城在今深州

樂壽縣西北三十里地居兩河之間故曰—— 九域志

——城圖經云夏少康所造 方輿紀要——廢縣在河

間府縣西九十三里 大清一統志——故城在今河間

府獻縣西 地理志稽疑桑欽云易水出北新城西北東

入澹其言與漢志大相參錯澹入易易不入澹其入澹者

支流耳酈氏故以互受通稱調停之其說實本之應劭

按功臣侯表高祖七年封呂馬童爲——侯卽此

武垣

史記趙世家孝成王 年——令傅豹王容蘇射率燕衆

反燕地九年秦圍—— 又曹相國世家擊魏王於曲陽

追至武垣 應劭曰垣水出良鄉東入苑 水經注垣水

出良鄉東逕——縣故城北世謂之頃城也非 括地志

——今瀛州城是 寰宇記——故城在瀛州西南三十

八里有東西二城 名勝志——城有二西武垣城在今

河間縣西南三十八里有故城存卽秦所置其北口東三

十里又有一城時人謂之東——城乃漢城也 大清一

統志——故城在今河間府河間縣西南府志云在縣西南三十五里肅寧縣境內去縣東南僅十餘里有內外二城外城周四十里內城可十六里俗名元城遺址現在
莽曰垣翰亭

阿陵

水經滹水又東北逕阿陵縣故城東又東北至長城注於易水 寰宇記——故城在今莫州任邱縣東北舊志云其地今皆為水鄉 按功臣侯表高帝六年封郭亭為河陵侯河是阿之譌史表本作阿

莽曰阿陸

阿武

寰宇記——廢城在今深州樂壽縣西北三十九里——
統志——故城在今河間府獻縣西北

侯國

王子侯表——戴侯豫武帝元朔二年以河間獻王子封高郭

寰宇記——故城在今莫州鄭縣西南二十六里滹沱河經其南西亦稱裏角城以水裏其角而過也——統志——故城在今河間府任邱縣西十七里

侯國

王子侯表——節侯曠宣帝地節三年以河間獻王子封莽曰廣隄

新昌

寰宇記——故城在今幽州固安縣南三十里其地下濕俗亦謂之陷城 一統志——故城在今保定府新城縣東三十里 按魏書地形志——前漢屬涿後漢屬遼東今據本志涿郡及遼東並有是縣則非後漢改屬矣侯國

王子侯表——節侯

宣帝地節四年以燕刺王子封

漢書地理志補注卷二十七

常熟 吳卓信 編纂

勃海郡高帝置莽曰迎河

史記河渠書禹乃斷二渠以引其河北載之高地過降水至於大陸播為九河同為逆河入于渤海孟康曰二渠其一出貝邱西南南折者也其一則漯川也臣瓚曰河入海乃在碣石元光二年更注渤海禹時不注也 本書天文志中國山川東北流其維首在隴蜀尾沒于勃碣 說文邑部勃勃海地从邑孛聲一曰地之起者曰郭又水部渤海之別也 應劭曰海之橫出者曰勃 高誘淮南子注勃大也 字林渤海之別名也 郭璞南經注——海

岸曲崎頭也 子虛賦注渤海別枝也 齊都賦注海旁
曰勃斷水曰澥 孔氏書正義禹貢導河入于海傳云入
于渤海渤海之郡當以此海得名 師古曰在——之濱
因以爲名 史記索隱崔浩云勃旁跌也旁跌出者橫
在濟北故齊都賦云海旁出爲勃名曰—— 困學紀
聞漢——在——之濱今滄棣霸濱諸州之地皆是
方輿紀要海在山東東北境者皆謂之——蘇秦曰齊北
有——田肯曰西有濁河之限北有——之利又謂之少
海韓非子齊景公遊於少海少海猶云小海也書疏云青
州之境越海而有遼東又云青州東北據海蓋跨有此小
海也北自平州碣石南至登州沙門島皆爲——之口濶

五百里西入直沽幾千里

又云逆河當九河之下流爲

海河相接之交孔氏曰九河至滄州同合爲一謂之逆河
以海水逆潮而得名蓋海水內吞河水外灌不惟水力可
以刷沙而海之潮淤亦藉河力以敵之此禹以水治水之
法也潘季馴曰九河非禹所鑿特疏之耳蓋九河乃黃河
必經之地勢不能避而禹仍合之同入於海其意蓋可見
也 又云——秦上谷鉅鹿二郡地高帝分置今河間
以東之滄州北至順天府通州霸州之南南至山東武定
州濱州之北皆是 禹貢雖指禹貢同爲逆河入于海傳
曰同合爲一大河名逆河而入於——正義曰鄭予云下
尾合名爲逆河言相向迎受王肅云同逆一大河納之於

海其意與孔同蘇氏曰逆河者既分爲九又合爲一以一
迎八而入於海卽一一也薛氏曰河入海處舊在平州石
城縣東望碣石其後大凡逆河皆漸於海舊道堙矣程氏
曰逆河世謂之一一者也逆河之地比九河又特窪下故
九水傾注焉雖其兩旁常有涯岸其實已與海水相合不
止望洋向若而已黃氏曰逆河碣石今皆淪於海予按經
所謂海乃東海在碣石之東其西則逆河後世謂之渤海
河渠書曰同爲逆河入於一一蓋漢人以一一爲海而不
知其爲逆河遂謂逆河在南皮浮陽自章武入海不至碣
石矣千年積謬至蘇薛程黃四公而一正蔡氏不收何也
又云地理志一一一莽曰迎河南皮縣莽曰迎河亭溝

迎志亦云同爲迎河入於一一迎河卽逆河說者謂莽多
忌諱改逆曰迎也寰宇記云迎河在清池縣西南二十三
里從南皮來清池卽浮陽水經淇水注云清河自東光縣
西又東北右會大河故瀆又東北逕南皮縣故城西又北
逕浮陽縣故城西又東北滹沱別瀆注焉漳水注云衡漳
自成平縣南又東左會滹沱別河故瀆又東北入清河謂
之合口蓋莽時大河南徙清河自東光縣西行其故瀆歷
南皮浮陽至成平與漳水合水經東漢時作故指爲清河
實西海大河之經流也漢人以九河播自元城之沙邱堰
東北至南皮浮陽縣西仍歸大河是謂同爲逆河云爾不
知禹河自成平東逕二縣之北未嘗由東光而北歷其西

九河下尾東北出抵高城柳縣章武之東同合爲一大河以入海南北廣二百餘里東西長三百里占地甚多非逆河縱而九河橫東流至二縣之西爲逆河所截而各注之也總之大伾以東漢人不詳禹河之所經而以北瀆爲禹河禹河一差則降水大陸九河逆河無所不差矣逆河以班志言之似爲橫絕之河而鄭王以爲迎受之河其義較長然終不能指言逆河在某地至東坡始云逆河卽一一薛士龍又因王橫之言更定其地云逆河皆漸於海而後經旨乃明與鄭王之義亦正協也 又云河之播而爲九也勢至此不得不分非禹有意分之也其同爲逆河也勢至此不得不合非禹有意合之也所以名逆者鄭義盡之

自漢人以渤海爲海而逆河無所容其地唐人亦不明逆河在何處徐堅初學記曰逆迎也言海口有潮汐以迎河水此義最優至宋而謬論迭出貽惑滋甚矣 潛邱劄

記按齊都賦海旁出爲勃不獨今天津衛之海名勃碣石之海亦名勃太史公天官書中國山川東北流其維首在隴蜀尾没于勃碣班固增其文曰尾没于勃海碣石益明顯矣 又云今海自山東登州成山折而西經寧海州福山蓬萊招遠縣又西經萊州掖縣昌邑濰縣又西經青州壽光樂安諸城縣北界折而西北經濟南利津霑化海豐縣又北經直隸河間鹽山 北靜海縣東界又北至天津衛折而東經順天寶坻豐潤縣又東經永灤州樂亭盧

龍昌黎縣又東出山海關經遼東寧遠廣寧衛南界折而南經海蓋復金四衛西界又折而東經金州南界有旅順口南與登州海口相對皆謂之——太史公多言——河渠書謂永平府之勃海也封禪書登萊兩府之——也蘇秦列傳指天津衛之海言朝鮮列傳指海之在遼東者言——之水大矣非專謂近——者也 大清一統志渤海在永平府南一百六十里東連遼海西抵天津南通山東登萊浩瀚千有餘里自直沽之北折而東去豐潤灤州之南各一百二十里樂亭縣南四十五里又迤邐東北繞昌黎撫寧二縣東南厯山海關接寧遠州界 水道提綱古稱——本大海之支港說者言禹時青州踰——北兼

營州之地其勢固自然也

程瑤田通藝錄勃蓋海旁跌

合聲緩讀爲旁跌急讀則勃也此人口中自然之聲初無義有聲而後義具也 桂馥札樸史記天官然中國山川

東北流其維首在隴蜀尾没于勃碣案此——謂登萊兩

府中榦盡處通鑑楊僕從齊浮勃海以討朝鮮胡注云僕

浮勃海蓋自青萊以北幽平以南皆濱於海其海謂之——

——似也 地理志稽疑——故屬秦鉅鹿郡高帝分置仍

屬趙國景帝後以支郡收武帝元狩三年屬燕國昭帝元

鳳元年復故 按漢——今直隸天津府之青南皮鹽

山三縣及滄洲河間府之河間阜成交河寧津吳橋東光

六縣及景州順天府之東安文安大成三縣又山東武定

府之陽信樂陵二縣皆其地 又按——史記封禪書作
渤海本書武帝紀作渤海楊雄傳作勃澥或作郭海或作
渤澥皆轉寫之譌

屬幽州縣二十六

浮陽陽信東光阜成千童重合南皮定章武中邑高成高
樂參戶成平柳臨樂東平舒重平安次修文市文安景成
東州建成年章鄉蒲領

浮陽

水經注清河東北浮水故瀆出焉按史記趙之南界有浮
水焉浮水在南而此有——之稱者蓋浮水出入津流同
逆混并清漳二瀆河之舊道浮水故迹又自是斯別是縣

有——之名也應劭曰——縣浮水所出入海潮汐往來
日再今無復有水也 後漢劉植傳注——縣在浮水之

陽今滄州清池縣也 隋志渤海郡清池縣舊日——開

皇十八年改 元和志今滄州郭下清池縣本漢——縣
九域志滄州清池縣有浮陽水 大清一統志唐滄州

故城在今天津府滄州東南卽今——縣也浮河在州東
南

莽曰浮城

陽信

本書衛青傳平陽侯曹壽尙武帝姊——長公主 水經
注屯氏別河又東北逕——縣故城南東北入海 又云

篤馬河又東北逕——縣故城南東北入海 括地志——

故城在棗州無棣縣東南三十里 通典今棗州——

縣本漢舊縣 又云今棗州無棣縣亦漢——縣地故齊

境北至無棣在此 方輿紀要——城在直隸棗州慶雲

縣東南三十里 山東通志漢——故城在今——縣西

南五里地名截河舖 大清一統志——故城在今武定

府——縣南海豐縣界 按功臣侯表高祖時呂青孝文

時劉揭並封——侯卽此

東光

水經注大河故瀆又東北至——縣故城西而北與漳水

合 後書耿純傳注——故城在今口州——縣南

寰宇記——故城在今定遠軍——縣東二十里 大清

一統志——故城在今河間府——縣東

有胡蘇亭

許商曰胡蘇河在——李巡曰胡蘇者其水下流故曰

胡蘇胡下也蘇流也 孫炎曰胡蘇者水流多散胡蘇然

水經注清河又東至——縣西南逕胡蘇亭世謂之羌

城非也又東北右會大河故瀆又逕——縣故城西 師

古曰胡蘇者下流疾急之貌 通典胡蘇河在——縣北

元和志胡蘇河在鏡安縣西五十里 寰宇記胡蘇河

一名赤河自臨津流逕饒安無棣入海胡蘇古亭在今口

州臨津縣西南二十三里 寰宇通志胡蘇河在今河間

府南皮縣北十里 禹貢錐指許商云胡蘇在——今——
——寧津南皮滄州慶雲海豐界中並有胡蘇河寧津縣本
漢——縣地其西有胡蘇亭蓋卽在——者齊乘以口州
南之大連澱爲胡蘇河得之矣 地理今釋今直隸河間
府——縣東南有胡蘇河東經寧津縣滄州慶雲縣界至
海豐縣入海 大清一統志按今河間府之南界景州德
隸之間本古九河所經之地其在府境者惟胡蘇河爲有
據今在——縣東南 程瑤田通藝錄九河據爾雅之次
五曰胡蘇居九者之中邢疏云許商曰徒駭胡蘇鬲津蓋
舉首中尾之三河以包其六是以下文卽著其地曰今現
在成平——鬲縣界中然則徒駭在成平胡蘇在——鬲

津在鬲縣矣九河之次從北而南則太史馬頰覆鬪三河
在——之北居成平之南簡潔鈎盤三河在——之南居
鬲縣之北胡蘇爲九河之中出者無疑矣其曰胡蘇者言
九河分布派流胡蘇然舉其中者象形名之得其九也蓋
胡蘇猶扶疏七發云龍門之桐根扶疏注引說文扶疏四
布也上林賦垂條扶於郭璞曰猶扶疏也扶疏扶於轉之
皆得爲胡蘇而胡蘇之命名今居九河之中餘河則四布
於其外故得象分布派流之形也孫炎曰胡蘇水流多散
胡蘇然說義最精然指一河言而不知其爲象九河之形
猶皮傳也

阜成

水經注衡漳水又東古會陽津溝水自溝水東逕一城南
舊唐書地理志一一故城在今縣二十里 寰宇記一
一故城在今冀州一一縣東二十二里 大清一統志一
一故城在今河間府一一縣東按前漢志一一縣屬勃海
郡別有昌成縣屬信都國續漢志謂一一卽故昌城宋書
州郡志疑二城非一而無定說蓋後漢省勃海之一一而
移其名於信都之昌城且改屬安平至晉時又移還故治
耳魏書地形志一一縣注前漢屬勃海後漢屬安平晉還
屬勃海竟混爲一城誤矣

莽曰吾城

千童

應劭曰靈帝改曰饒安

水經注無棣溝枝瀆又東南逕

一一縣故城東

元和志今口州饒安縣本漢一一縣卽

秦一一城始皇遣徐福將童男女千人入海求藥築此城

以居之故名

方輿紀要輿地志云高城縣東北有卅兮

城秦始皇遣童男四千人至海求蓬萊不死藥築此城僑

居之號曰卅兮漢因置千重縣

大清一統志饒安故城

在今天津府口州東南按後漢志無饒安縣前漢志注水

經注皆引應劭曰靈帝改曰饒安元和志謂卽千童城則

饒安與千童卽是一城而舊唐志寰宇記皆云唐武德初

移治故一一城疑是靈帝時改置本非一城或唐以前嘗

移治也

殿板漢書考證齊召南曰杜佑作安童宋祁作

平童皆非也。目是千萬之千，安與平皆非也。水經注可證。王子侯表千章侯，遇武帝元朔三年，以代共王子封。注曰：平原而字作章，蓋童之訛也。

重合

水經注：屯氏別河故瀆，又東北逕——縣故城南。元和志——故城在今口州樂陵縣東二百步。漢武帝征和二年，封莽通爲——侯，卽此。方輿紀要——城在今河間府吳橋縣西南二十里。舊志云：東至樂陵郡五十里。樂陵今山東屬縣。大清一統志——故城在今武定府樂陵縣西。

南皮

史記項羽本紀：成安郡君陳餘棄將印去，不從入關，然有功於趙，聞其在——故因環封三縣。又陳餘傳說齊王田榮曰：願假臣兵，請以南皮爲扞蔽。因悉三縣兵襲常山王張耳。水經注：清河又東北無棣溝出焉，東逕南皮故城南，又東北逕——縣故城西。十三州志曰：章武有北皮亭，故此曰——地理風俗記曰——城北五十里有北皮城也。又云：衡漳水又東左合滹沱，別河故瀆，又東北合清河，謂之合口，又逕——縣之北皮亭，而東北逕浮陽縣西，浮水東北注之。括地志：故——城在今口州——縣北四里，卽陳餘所封處也。寰宇記：齊桓公北伐，山戎至此，繕修皮革，因築城焉。續通典——縣北有迎河河北。

有故南皮城卽後漢晉勃海郡治 九域志口州一一縣
有——鎮 大清一統志一一故城在今天津府一一縣
東北八里北皮城又在——縣東北 按恩澤侯表孝文
後元七年封竇彭祖爲——侯卽此

莽曰迎河亭

定

水經注屯氏別河故瀆又東北逕——縣故城南地理風俗
記曰饒安縣東南三十里有——鄉城故縣也 寰宇記漢
——縣廢城在今口州饒安縣東南四十里 方輿紀要——
縣城在口州舊饒安縣東南三十里 大清一統志——縣
故城在今天津府滄州東南

侯國

王子侯表——敷侯越武帝元朔四年以齊孝王子封 按
史表謚敬侯而漢表作敷索隱曰說文云敷讀如躍據說
文敷音芳无切無躍音疑索隱之說爲謬近趙東潛云敷
字當是敷字之譌中山靖王子有臨樂敷侯光戰國時齊
有太史敷徐廣音躍可證

章武

水經注 衡漳水自——縣故城西枝瀆出焉謂之濊水
縣故濊邑也 又云浮水又東逕——縣之故城北漢文
帝後元中封后弟竇廣國爲侯國 後書竇融傳注——
故城在今口州魯城縣 寰宇記——縣卽今乾符縣在

清池東南鹽山縣西北 大清一統志——故城在今天
津府滄州東北 按今順天府大成縣南四十七里亦有
——城乃後魏正光中所分置西——縣以在——之西
故名非漢之——也 又按本志金城郡河關縣下云河
水至章武入海——今天津之滄州蓋大河故道自河間
府東光縣流入天津府南境逕南皮滄州青縣靜海而達
於天津此西漢時大河入海之道亦即宋時大河合永濟
渠北流之道也

有鹽官

本書溝洫志平當言渤海鹽池可且勿禁以救民急 唐
書地理志渤海有鹽 寰宇記滄州土產鹽 天津衛志

天津滄州鹽山等處俱有鹽場 大清一統志鹽場在天
津府界者凡十

莽曰桓章

中邑

寰宇記漢中邑縣舊地理書並失其所在蓋即今滄州青
池縣地也 大清一統志——廢縣在今天津府滄州界
按功臣侯表高后四年封朱進爲——侯即此

莽曰檢陰

高成

左傳僖四年管仲曰北至於無棣杜注無隸齊境 本書
公孫宏傳以高成之平津鄉戶六百五十封爲平津侯

伏琛齊記無棣今渤海一一縣也 水經注無棣溝又東

南逕一一縣故城南與枝瀆合 又云浮水首受清河於

浮陽縣界東北逕一一縣之苑鄉城北 後書巴肅傳注

高城故城在今滄州鹽山縣南 隋志勃海郡鹽山縣舊

曰一一開皇十八年改 寰宇記鹽山縣在滄州東六十

里本春秋無棣邑漢置一一縣故城在今縣南四十里高

齊時移於今邑隋改為鹽山縣 續通典今滄州鹽山縣

古一一縣也有平津鄉 大清一統志一一故城在今天

津府鹽山縣東南縣志云舊城鎮在縣東北三十里 春

秋大事表隋改一一為鹽山屬滄州通典鹽山春秋之無

棣邑也自後廢置不一至元分其地置兩無棣縣一仍舊

治屬河間路之滄州一屬濟南路之棣州明改河間之無

棣為慶雲屬口州改濟南之無棣為海豐屬武定州今海

豐口州之境皆有無棣濟舊合高津河東入海唐世嘗疏

之以通濱海魚鹽之利亦曰無棣河今淤

都尉治

高樂

水經注無棣溝又東逕樂高亭北又東新鄉城北即地理

志一一故城也 寰宇記一一故地在今滄州南皮縣東

南三十里今謂之思鄉城亦曰西鄉城 大清一統志一

一故城在今天津府南皮縣東南縣志云即今董鎮村按

王子侯表齊孝王子某封一一侯即此

莽曰爲鄉

參戶

左傳襄二十七年衛侯之弟縛出奔晉托于木門杜注木門晉邑在——縣西北 水經注濊水東北逕——亭北地理風俗記曰東平舒縣西南五十里有——城故縣也世謂之平虜城 元和志今口州長蘆縣本漢——縣地故城一名木門城在今西北四十里 寰宇記——故城在今口州清池縣西北四十六里輿地志云中有大樹因名木門 方輿紀要——城在今口州城西北三里 大清一統志——故城在今天津府青縣南舊志云木門鎮在縣西南三十里卽漢參戶故城也

侯國

王子侯表——節侯免武帝元朔三年以河間獻王子封成平

水經注——縣故城在建成縣北二城南北相直 後書

樂成靖王傳注——在今景城縣南 寰宇記——故城

在今瀛州景成縣南二十里 大清一統志——故城在

今河間府交河縣東 按王子侯表平成侯禮武帝元朔

三年以河間獻王子封平成當作——水經注亦以此縣

爲禮所封索隱云表在南皮而今無此文則脫誤也

虜池河民曰徒駭河

許商曰徒駭河在——

李巡曰禹疏九河以徒衆起故

日徒駭 孫炎曰禹疏九河用功雖廣衆懼不成故曰徒駭 郭璞曰徒駭在——縣 水經注漳水又東北逕——縣南又東左會滹沱別河故瀆又東北合清河謂之合口 孔氏書正義禹疏九河云復其故道則名應先有不宜徒駭太史因禹立名此郭氏注爾疋所以未詳也 新唐書地理志清池縣西五十里有徒駭河隄永徽三年築 寰宇記徒駭在口州青池 禹貢雖指許商云徒駭在——今德平樂陵齊河濟陽慶雲海豐界中有土河志以爲徒駭妄也漳水不經此安得有徒駭徒駭最北豈反出鬲津之南哉 地理今釋今直隸河間府景州之西交河縣之東北六十里有徒駭河卽漢志所謂滹沱河民曰徒

駭河是也 按許商云徒駭在——此指滹沱別河非禹迹也在今河間府獻縣南

莽曰澤亭

柳

水經注浮水故瀆又東北逕——縣故城南地理風俗記曰高成縣東北五十里有柳亭故縣也世謂之辟亭非也 寰宇記故柳城在今滄州鹽山縣東七十里 大清一統志——縣故城在天津府鹽山縣東縣志云在縣東五十里

侯國

王子侯表——康侯陽已武帝元朔四年以齊孝王子封

臨樂

史記趙世家孝成十九年以一一與燕 水經注無棣溝
自南皮縣又東逕樂亭北地理志云一一縣故城也晉書
地道記太康地記並言樂臨國有新樂縣即此城矣寰宇
記一一地理書並失其所在在今臨津縣界 方輿紀要
一一城在今滄州南皮縣南 大清一統志一一故城在
今河間府寧津縣北

侯國

王子侯表一一敷侯光武帝元朔四年以中山靖王子封
莽曰樂亭

東平舒

水經注漳水枝瀆逕一一縣故城南代郡有平舒故此
加東魏土地記曰章武郡治一一縣世以為章武故城
非也 又云衡漳水又東北逕平舒縣故城南東入海
又云瀟水又東逕一一縣故城南又泉北注滹沱謂之
瀟口與清漳亂流東注于海 括地志衡漳水在瀛州東
北一百二十五里平舒縣界 寰宇記大成縣西北去霸
州九十五里本漢一一縣 名勝志大成縣在通州城
南一百三十里即漢之一一縣也 大清一統志一一
故城即今順天府大成縣治

重平

水經注屯氏別河北瀆又東北逕一一縣故城南應劭曰

重合縣西南八十里。有重平鄉。故縣也。大清一統志

一故城在今河間府吳橋縣南。舊志云。今吳橋縣南三十

里有重合城。即重平之訛也。按今濟南府德平縣西北

亦有。一故城。乃後魏孝昌中所改置。非漢縣也。後漢書

注及寰宇記。方輿紀要。諸書所言皆誤。

安次

水經注。易水又東逕。一縣南。又云。聖水又東逕。一

縣。故城南。又東西流。注于巨馬河。後書光武紀注。一

今幽州縣也。故城在縣東。寰宇記。一縣在今幽州東

南一百里。本漢舊縣。東枕永濟渠。名勝志。東安縣在今

順天府南一百五十里。本漢安次縣也。大清一統志

一故城在今順天府東安縣西北。縣志云。在縣西北四十里。其址尚在。俗呼古縣。

修市

應劭曰。修音條。水經注。桑社舊瀆。又東逕。一縣故城

北。俗謂之溫城。非也。地理風俗記曰。修縣西北二十里有

一城。故縣也。金史地理志。修縣有修市。大清一統

志。一故城在今河間府景州西北。

侯國

王子侯表。一侯原。宣帝本始四年。以清河綱王子封。

按周亞夫傳。文帝封為條侯。師古云。縣在渤海地。志作

脩。其音同。今據本志。在勃海郡者。曰修市。字亦不作脩。應

劬音條在信都國者亦作修不作脩師古亦音條竊意亞夫所封當是信都之修非勃海之——也當以水經注之說爲是至——之侯國乃清和王子所封無疑

莽曰居寧

文安

史記趙世家惠文王二十一年徙漳水武平西二十七年徙漳水武平南正義曰武平亭在今瀛州——縣北七十二里 又三王世家本始元年封廣陵王子爲平曲侯正義曰平曲城在瀛州——縣東七十里 水經注易水東至——縣與滹沱河合史記蘇秦曰長城以北易水以南正此水也 後漢書注——故城在今縣東北 寰宇記

古——城在今縣東北三十里 方輿紀要——漢舊縣在今霸州東南七十里——縣東三十里 大清一統志——故城在今順天府——縣東縣志云今縣東北柳河鎮有古城上有漢縣今趙夔祠——故城也

景成

元和志今之景州本漢——縣 寰宇記今清池縣西南二里有五疊城輿地志曰宣帝封河間王子雍爲——侯五子分居城中俗呼爲五疊城 九域志瀛州樂壽縣有——鎮 金史地理志交河縣有——南鎮 大清一統志——故城在今河間府交縣東北舊志云在縣東北六十里獻縣東九十里

侯國

王子侯表——原侯雍宣帝地節三年以河間獻王子封東州

本書彭宣傳少為縣鄉嗇夫為東州丞 水經注易水又

東逕——縣南其城舊有三重 寰宇記——故城在今

瀛洲東城縣東北十四里隋置東城縣以——為名也

九域志瀛州河間縣有東城鎮 大清一統志隋東城故

城在今河間府河間縣東北即漢——縣也

建城

水經注衡漳水又東逕——縣故城南又東左會滹沱別

河 又云陽津溝水又東北逕——縣左入衡水謂之陽

津口 寰宇記——故城在今瀛州景成縣東南三十里

故址尚存 大清一統志——故城在今河間府交河縣

東考漢時——成平景成三縣寰宇記俱入樂壽縣是時

未有交河縣故也自金時分樂壽東境置交河則三縣俱

在縣境明統志仍入獻縣而以交河為故中水縣皆誤

又云——山在今河間府獻縣境縣志云漢嘗以此名縣

高祖封曹參為——侯後又封呂澤

章鄉

水經注十三州志曰饒河縣東南二十里有童鄉亭故縣

也字類而訛 寰宇記童鄉即故章鄉縣童章字相類後

漢并入饒安 大清一統志——廢縣在天津府滄州

東南

侯國

恩澤侯表——侯謝殷平章元始五年封 按功臣侯表
有童鄉釐侯鍾祖童鄉亦是——之譌

蒲領

水經注衡漳水自弓高縣又東北合柏梁澁東逕——縣
故城南地理風俗記曰修縣西北八十里有——鄉故縣
也 寰宇記漢——城在今冀州阜成縣北三里 大清
一統志——故城在今河間府阜成縣東縣志云在縣東
北三里關

侯國

王子侯表——煬侯祿昭帝始元六年以清河綱王子封

卷一